

大復集

三



門八 16
1205
3



大復集卷第八

都指揮婚袁繫刊

五言古詩五十五首



六子詩六子者皆當世名士也子以不
類得承契納輔志勵益者多矣病歸值
秋寤嘆中夜有懷良友作六子詩

王檢討九思

王君青雲姿志豈屑丘壑名家出杜鄆少日遊
宛浴奮身匹文鷁戩羽巢鸞閣興文燭雕龍揮

翰凌玄鶴雅志在四海隨時偃經略馳情經謝
眺日晏吟紅樂

康脩撰海

矯、龍頭士騰躍在明時群遊慕豪放棲志固
有期赤驥鳴烟霄不受黃金羈揮毫御清讌浩
思隨風飛鐙前激高倡顧盼孰與希究古摘遺
編頗好班馬辭良史久無繙斯文當在茲

何編脩瑋

中州產名俊河內天下士平生飽藜藿學道歷
壯齒至樸斂華蔚微文陋雕綺守淵安可規馳
辯詎能止洞悟超先幾微言折玄理曲高難爲
和行獨寡知己古轍多秦蕪非君誰子起

李戶部夢陽

李子振大雅超駕百世前著書薄子雲作賦追
屈原新章益偉麗一一鸞鳳騫華星錯秋空爍
火難爲然擗文固無匹投義罕比肩撫志冀陳

力危言獲罪愆握瑜不得售寶棄誰爲憐仲舒
貶膠西賈生亦南遷古來有遺憤非君獨哀嘆

造大常貢

世事多戚促器識寡蕭散太常何瑰瑋坦然破
厓岸祥煙拂瑤壇瑞日轉華觀出入諧鸞鸞頡
頏在霄漢芳詞麗清風藻思興文瀾陽春誠獨
步清廟獨三嘆金奏響不虧玉樹開逾燦閑居
檢遺篇啓篋得爾玩

王臧方尚綱

臧方吾益友契誼鮮與同少齡負奇氣萬里飄
雲鴻手中握靈芝高標厲孤桐讀書邁左思議
字過揚雄爲辭多所述結藻揚華風寸心素相
許撫志慚微躬

十三夜對月

閒居愛明月良節復與俱金鳧麗秋闈皓彩揚
雲衢澄空斂霜烟清颯蕩中區徘徊廣庭內改

席臨方除顧景怵哀慮興心念居諸天道迤洎
長戒之在頃更懷謙可久安盛滿豈恒居孰云
質靡盈所貴光不渝

十四夜同清溪子對月

林塘在佳客待月欣舉觴今夕勝昨夕已見生
東方離、絳霄側丹、素雲揚喻時灑氛澈懸
耀天中央仰視渺難即忽覓在我傍清池含微
汲左右滄流光月行固當望人會何能當與子

各鄉域邂逅臨此堂良時不屢值明月安可忘
醉歌答求夕和我窈、章

十五夜高鐵溪同沈清溪趙雪舟馬百

愚過故居對月

端居撫盛節春茲金素中上客弭飛蓋蕙然慰
幽哀圓景舒東隅忽復周層空重輪爛五色繽
紛結文虹流輝接瑤席絳氣鬱以葱衆賓侈佳
翫聯篇抱華風情好在明月安問膳靡豐弦望

有恒度明陰變無窮人生非比翼豈得常相同
所願御此觴聊以娛夜終

十六夜月

日夕城烟歛列宿出復多開軒望明月展席流
素波圓輝雖少虧猶能遍天涯單居不爲樂念
遠徒咨嗟美人越宗京高樓結綺霞浮雲暮長
征何由覩光華迅颺萬里生霜霧日以加坐憂
挂枝歇委落同泥沙清輝苟相照豈慮天路何

十七夜月

夕望月已減雲颺蕩其側月減不足憂盈虛本
相值胡爲蔽氛霾坐使清光匿踟躕久延待慘
景鬱無色燈前理鳴絃瑤徽爲誰拭思我平生
友道遠不可即素書委篋笥安得雲中翼滄海
多波濤長陰滄難測何當廣餘輝一照萬里域
更深月復明揚秀青雲端浮颺倏以寂長川靜
沒瀾徘徊廣除下白露棲崇蘭仰見城西樓迴

光照文軒樓中織綺女延頸獨哀嘆哀嘆未終
已素河橫西山逝龜不長望玉貌寧久妍君母
吝光惠使我芳歲闌

擣衣

涼飈吹閨闈夕露溽錦衾言念無衣客歲暮芳
寒侵皓腕約長袖雅步飾鳴金寒機裂霜素繁
杵叩清砧哀音緣雲發斷響隨風沉顧影惜流
月仰瞻悲橫參路長魂歷徂夜刀不任君子

萬里身賤妾萬里心燈前擇妙匹運思一何深
裁以金剪刀縫以素絲鍼願爲合歡帶得傍君
衣襟

悼往

行雲不歸山逝水難重迴與子一爲別流光倏
如推形神往無存夢想弗克諸孤家日荒穢幽
泉翳窮埃重扃一以閉千秋寧復開時至展遐
沉傾醕堯黃菜還思平生居歲久生夕皆寒風

吹空閨彷彿鳴玉哀人生重思義况兹比翼乖
何能春新歡棄擲故所壞

贈聖之五首

蓬之京洛客承命發華輶朝辭異州野夕泛黃
河流雙旆翔汝側駟馬登故丘故丘鬱以長岡
巖茂松楸車徒耀城郭親戚迎道周丈夫事曰
方州閔寧久留王程在須臾顧念但懷愁前有
盈觴酒爲我且綢繆

二

清晨送遠人弭駕北城隈北城一何脩前臨古
時臺俛仰故鄉城一如平生懷季冬嚴風發積
雪皜皜念徂遠路鬱結不能開中林寒卉
寂樹木何摧頽安得春華敷採掇以相貽

三

驅車策良馬北上遵大行升高駟崇京宮觀鬱
相望前瞻碣石瀕俯見東海懷杜觀局字乃高

志何激昂孤鴻暮南翥奮翅起隨陽黃鵠遊四海胡爲悲故鄉何能有羽翼從子俱翱翔

四

昔子當北徂值子復南旋相違踰幾時世事攸推遷訪舊半存已誰能不摧顏浮雲歲暮征餘懼啣西山居人念川塗行子戀鄉關平生雙龍劍乖別何時還志士重明德窮達奚足歡願君勗令名相期在盛年

五

人生富大塊聚散如颺塵昔爲同裊好今爲異鄉人孤獸鳴索偶翔鳥求其群戀故各有慕何況骨肉親子當被華紱結束事明君我當守蓬室聊耳賤與貧去住各努力良覲會有因

除夜二首

今夕復何夕偃仰茲歲周懸膏耀室隅中饋進芳饌雖無車馬客親戚自相酌遊魚安深淵翔

鳥止故丘所歡在桑梓餘者何復求逝節不重
至來者難預謀長耽奉此爵延年樂千秋

二

閒居知時節習靜觀卷舒日月無恒處念往寔
歆娛歲徂浮雲陰積雪皓中衢豫樟產江濱孤
蕙敷山隅芳烈雖靡馱遐遠寧見需所願最明
德庶以酌居諸

豔田八首

御清連上苑大道接平沙紫陌三千騎青樓十
萬家城中揚柳樹風起暮飛花

二

日出洛城裏歌鍾起四鄰朝遊桃李蹊暮踏車
馬塵遊絲冒白日丹、然陽春

三

秦氏字羅敷馮家名子都粧成臨勸酒曲罷坐
當鑪白馬金吾子青絲提玉壺

四

明姿稱二八生長紫羅帷對客舞垂手邀人看
畫眉今朝仲春日照影臨芳池

五

繁：東城子盈：南陌妹自矜夫婿貴翻笑使
君愚日暮採桑去空迴五馬車

六

翩：五陵兒藉綺冠華簪常懷雙寶劍詎惜千

黃金馳馬章臺下紅塵不可尋

七

蘭燈列滿座繁炬灼朱光富貴傾南國佳人出
北方畫堂翡翠帳夜：鬱金香

八

高臺臨萬聲朱構耀城隈其藉鴛鴦綺雙持鸚
鵡杯春風樓下度一夜百花開

擬古詩十八首

丹：歲逾邁念君長別離別離在萬里道遠行
不歸鷓、暮倚正鸞鳥東西飛思展雙羽翼奮
起凌天涯向風長哀吟欲舉中徘徊川途浩無
軌霜雪愴以悲願因駐馳景得觀君光儀

婉孌城東妹懷春一何早朝遊採桑陌暮止垂
楊道自矜全盛時復恃顏色好玉貌隨年化安
得不枯稿昔為園中英今為路傍草路傍多車

馬採掇難自保

三

名都有高樓上入青雲端脩城延曲隅阿閣交
重欄佳人理清曲當戶橫朱絃揚音綵霞裏令
顏誰不觀賓客會四座絲竹哀且繁日中車馬
至薄暮皆言還聽曲各言好知音良獨難誰為
同心人並起乘雙鸞

四

壘、北邙山松柏何脩、松柏有時推人命安
可留朝爲華屋客暮沒歸山丘洛中多豪貴藹
藹皆王侯高臺臨九衢上有百尺樓宅第儼相
望軒車絡如流存亡不預保富貴安所求不如
邀我交乘馬被輕裘遊遊百年內求以忘戚憂

五

藹、東國內綠林喜以繁車馬自成徑桃李終
無言昔日東陵俠種瓜青門前既貴亦反賤變
化更無端俗夫寡恒態志士多苦顏豈不策高
路高路遠且艱良無萬里風孤翼誰當援

六

朝日照中庭泉、春載陽東風吹綠草蝴蝶雙
飛揚歲華生婉、白露惜以傷子美不在茲所
懷浩難忘豈無芳桂枝含香誰爲明

七

專、仲秋日百卉腓以殘涼風入階樹零露摧

庭蘭明月皎東壁昆蟲鳴草間孤鴻暮安適哀
音揚雲端言眷平生友振翮起孤騫遺我若逝
彼聖子如高山托枕在終始蓄父諒逾宣寸心
不可移磐石誰謂堅

八

鬱、山上松高枝布夫涯上有女蘿阜纏綿誓
不移葛生蒙於楚浮萍寄清池貴賤雖殊途附
託各有宜伊昔侍君子朝夕奉恩私馳心在
首何意中睽離窮年守房室常恐踰良時思君
如日月所與光不遺

九

汎、東流河媚々河上柳春風暮飄搖花飛不
相守柔條欲攀贈何甚入君手惟有南山桐可
以遺我交

十

圓如天上月光輝尚當缺與君非一身安能不

飛別聞山日悠遠舉步難可越君如獲車輪妾
心如車轍相隨萬里去繞々何時絕

十一

清晨秣駑馬整駕遵路衢遲徊覽故物惻惻心
以紆昔時一室邑今爲百年墟郭郭蔽粉櫛狐
兔翔城隅人生寓大塊飄泊寡恒居諒無金石
壽終與草木俱一身不自恤安用顧其餘營々
慕富貴辛若誠爲愚心

十二

長安多豪俠白馬一何驕金鞍競絡繹寶劍相
招邀招邀使斜道青樓鬱岌堯樓中妖豔女輕
綺揚飄飄皓齒激清倡逸蹙早層霄浮雲散城
邑白日隨驚飈熒々桃李顏華早仍先凋結交
苟升宜誰謂能又要

十三

人生百年內胡爲形所役登高覽九原但見松

與栢徘徊故里間念我平生戚斗酒相存問度
阡復逾陌上堂展啟勤華燈求今夕何必傾庶
饁濁酌聊與適朱顏難可常鬢髮會當日徧觀
四海人誰爲不死客良持帋爲歡哀暮嘆何益
死者長不作生者長不息日月更栢送萬古安
所極素絲有芥黃歧路多南北在家常相間出
門安可測落木歸本根飛鳥戴羽翼客遊在萬
里終當還故域

十四

朝宴高堂上賓友相追遊厨人進豐膳妙妓揚
清謳處世無百齡爲樂苦不周多財爲患害馬
馬招愆尤安如王子喬高舉凌九州

十五

歲暮寒風至蟋蟀夜鳴悲高樓有思婦嘆息不
自怡良人行米適孤寡守空閨余裊卷不寢羅
唯誰爲施君如東流水妾如西馳暉形勢不相

及彼此何由諧結髮車自念攜手期同歸秋華
殞故林尚復揚光輝顧茲各努力毋忘榮盛時

十六

迢迢孟冬夜悲風鳴北林嚴霜被野草宛轉時
欲沉佳人又隔越曠若辰與參方再不利涉欲
往江湖深客從南方至遺我綠綺班願因雲中
翼寄子瑄華音膠漆不爲固金石安足諱明義
苟不虧歿蓋當一心

十七

青鳥來北方徘徊朝南翔美人傳書至開絨爛
生光昭我機中錦比轉成文章上織比目魚下
織雙鴛鴦物厚意不薄感激獨徬徨裁爲衾與
裯置在黃金床君子不爲御三歲聞馨香一心
奉光惠常恐君遺忘

十八

繁霜降秋夜膏火寒無光淒風舉帷幄素月流

中房客行在殊境事一作君子行復獨處誰與將仰視
天上星羅列皆成行牛女獨何辜乳、守河梁
嗟無凌風翼欲去不得翔引領長太息泗涕徒
沾裳

曾連

仲連初歷國排難能解紛飛書下燕將立談却
秦軍不受萬戶侯長揖千乘君始稱天下士終
爲海上民

張良

子房號人傑像貌非魁偉報韓志已成翊漢功
亦美出奇掉三十史勝在千里一遇黃石公遠
從赤松子

望郭西諸峰有懷昔隱無發鄙志

游龍戲洞鱗翔鷺振雲翮潛姿媚幽深遐羽忌
拘迫頃來稅塵御秉性嗜探歷連山秀我里幸
茲曠昕夕橫天巖巒疊映日蒼翠積涉波緬洄

沿攀岑若咫尺流目施遠迥寫棕翼孤石嘉趣
懷伊人俯仰慨今昔霞構象丹厓烟蘿裊青壁
傾耳谷中音希蹤雲外迹興性感彌深即景無
與適豈徒藉虛觀終然契冥寂

遊西山二首

晨登山上樓暮望河上道飄風塞埃塵積雨浩
行潦山人若相留此道何擾、虎狼夾路啼鴻
鵠逝不早石泉聊定飲糲飯亦可飽引乃平生
親綢繆叙中抱行遊白雲林倘遇瑤華草携手
托相贈歲寒求爲好

二

勝地不可多良遊豈在屨茲山秀靈域曠望契
心許岩堯碧巖際縹緲青蓮字鳴泉瀉丹壁白
沙亘迴渚眺心佇冥寂况有塵外侶吾當與爾
曹翮、接高舉

立春日作二首

藹々春候至天氣和且清端居撫流化允愜靜
者情浮陽起叢壑流烟散孤城岸條發潛穎園
卉含初榮寫襟曠明霽覽物行游行目悅雙飛
雉耳感孤鳴鸞形運自相代神理誰爲名徃規
與時逝來慮隨年并心存漢陰灌躬敷南陽耕
疏還念知止莊論持達生自非乘昭曠能不嬰
世營

二

鳥鳴知天曙冰泮知天和寒崖變吹律陽渚發
鳴葭溫風戒旦至淑氣應時加申曠暨昏旦馳
情赴幽遐連峯睇初景木杪眺孤霞陰雪被高
岑暄波瀉平沙辨使氣有異觸物理無涯撫已
寡朋與懷侶獨長嗟徒攀春岸條未采中林華
情愜賞不遺心曠迹自賒允矣敦夙游不愧在
澗歌

田園雜詩二首

習宦非我長官又計轉拙遭斥遠田廬獲與初
念協樹藝良有期農事固堪悅飄飄綠原風
晶明川月披徐恣吾適既夏不知熱回思行役
日寒暑靡得輟踈懶古雖鄙任性亦可率膏疇
矧豐蔚積潦復溽冽白日皎在茲停雲靜如結
爲謝二三子努力慰哀劣

二

去官今七暑漸與農務親隨宜諳土性言話群
野人時或溯微風行歌響空榛先民邈何板慨
烏傷我神慨傷適誰知所有三二賓文論日往
來烟、高義申炎雨回衆壑涼颺起脩畛兀然
林木下日入忘歸輪玄蟬夕益聒去鳥一何頻
野行畏多露無使侵不巾

大復集卷第八

大復集卷第九

五言古詩五十五首

水營墅治田圃種樹

樵隱安於山農隱樂耕畔由來事不同各以性
所玩倚扉憇南園負杖行春岸時澤冒原隰遠
水增沒瀾方塘菰蒲映迴渚鳥驚亂柳柳期息
陰列竹異成竿緣坡引行條休壩植頽幹築堤
屏焚穢激流代携灌踈壩外經濟早賤鮮憂患

諒懷原生耻庶

悟孔父嘆汲古綴遺言欣焉

乘柔翰

與賈郡博宿夜話

世故相糾纏人生別如繫子方值憂艱子亦念
淹滯邂逅胡不頻茲歲忽將逝蒼、季冬夕悄
悄昆虫閉積雪委沙曲迴風薄林際繁星爛高
寒明月皓初霽聞雞起中夜捫虱談當世蕭條
時事危寂寞古人計天地悲瘡痍江湖愧經濟
懷哉式微詩泣然出双滂

除夕述哀五首

世事相倚伏日月更代謝百年能幾時一歲抵
今夜遊者豈復迴有生無不化慘惻孤燈前悲
啼數行下

二

別離今幾何墓樹亦色青徒褰素帷泣奈此玄
室高古城積陰雲虛牖臨寒星歲暮興慨念秋心

立空屏營

三

去年值今夕庭闈奉顏色今年值今夕空奠几
遙側蒼苔翳幽隧翠栢開靈域顧望西山陰風
雲爲悽惻

四

愛人不能寐起踐中夜霜城笳絕仍響室燈慘
不光所親半重泉有姊各一鄉附書與鴻鵠歲

晚路更長

五

親存兒不覺親去兒空哀俯仰覆載間始知天
地恢江河淚萬行日夜嗚千迴盤餐較不食燈
下悲風來

贈別孟望之四首

束髮事交結白首以爲期以茲女蘿質託彼青
松枝重聚故鄉園殷勤慰我私忽後遠行邁况

值秋風時我有一罇酒送君滌水涯酒酣思無
極臨歧理桐絲誰知清商若一彈一生非心

二

迢迢望夏口肅肅戒僕天金飈吹明星行李已
屆途親戚各相送萬里在斯須啣啣中林鳥月
出相嗚呼人生各有役安能長相娛

三

仲秋物色慘遊子生離顏朝辭義陽陌夕宿武

勝關遙望武昌路漢水何潺湲願爲比翼鳥逸
翮杳難攀願言終令德努力濟時艱同心苟不
虧豈在離并間

四

公子事遠遊離別無復云丈夫萬里志馬能戀
故群我有千金劍經天決浮雲龍光久未試姑
以持贈君願言終永勿令理塵氛

遊西山二首

清晨命予駕飄遙遠遊邁願言歷嶇嶇况此春
華在林條紛可結石秀行當采道逢諧俗士謂
予爾何隘人命未可期河清詎能待縱羽思山
林潛鱗慕江海富貴人所欲吾志不可改

二

鬱、西山岑遙、山上陔俯觀清問流仰覲白
雲返處世亦何促誰能遂仰偃夷齊歸百陽黃
綺在高獻此道久不復斯人苦難挽振衣謝塵

塗吾駕日已遠

元日言志

比杓建寅月東谷發首旦氣轉青湯曉日暎丹
霞爛群物欣向荣萬象倏改觀自予脫朝簪及
茲謝塵幹世事鑿倚仗節候感迴換岩耕幕長
往淵綸恣衣玩俯羨潛波鱗仰慙薄霄翰欽此
無悶言忘彼高飛嘆勉懷日新志庶以慰朝肝

觀春雪

騰空布柔雲蕩日益繁吹素雪千里來飄揚九
衢內積陰改玄節新陽獻青歲未辭寒并寂耳
並春華媚繽紛散廣陌白皚耀澈塵界既隨游
集復與流颺會臨牖翫靡足陟檻望逾邁參差
百荒接宰光層臺對佳人御擣軒上客倚飛蓋
綺旒結華纓離縱飄素帶郢中有希倡陽阿豈
恒態君胡慕高卧沉冥獨無類

仲春雨霽出遊郊麓覽物叙懷興言自

歌四首

旬陰豁初霽臨眺城西洲泱泱松上溜潺湲石
間流積霖晦平陸春雲彌崇丘眷彼農人談寫
我終歲憂

二

崔巍南山郭宛彼沙山道荷篠赴脩壩采萍涉
流潦懷瞻覲觀已後適已每不早緬茲山中人含
念鬱中抱

三

幽人久見招解薛侯中林山行岩光暝水息霞
氣陰隨行委流止寓物觀浮沈達人貴忘我奚
用存知音

四

舉日怡清和周覽究昏晝衆壑積庭階攢峯羅
戶巖攀林楠叢顛越巘采孤秀日暮天際雲忽
與飄風邁

贈梁宗烈二首

珊瑚產南海翡翠生炎洲豈林多異幹石璞皆
良瓊瑰材植遐域萬寶聚巖幽豈無千金買亦
有萬斛舟此物匪爲易惜哉不見收玉英匿龍
淵黃金沉濁流輝瑩久已悶未蒙知己求徒歸
匠者愆用負和氏羞謹子握中璧持哉毋闇投

二

飄風頓剗至狂雲萬里游與子非風雲欲邁良

無田川壑限山海音問邈中州
登高望廣域極眺滄溟流
浮烟隱榛樹白日蔽岑丘
飛鴻不我顧逝鵠不我留
寧無輕舟志浩渺安可求
桂樹茂炎燠芝草翻靈洲
獨處暮朋侶攀贈誰爲酌
倘荷哀春言慰此平生憂

贈王文熙四首

以下京兼

空堂夕燈明離思漫浩、冷、
朱絲絃聽我別鶴操出門難
久留各言頓所好江湖迥且深
鴻

鴈幾時到

二

行子夜中起月沒星尚爛
天明出城去暮薄長河岸
草際人獨歸烟中鳥初散
解纜忽以遙川光夕凌亂

三

光風轉柳枝况、路之傍濛、
苑中花朝日耀其英
停車欲有贈攀條折春芳
春芳亦消歇但

使故意長

四

息馬中林樹烟靄何氛氲遲：仲春日叢薄華
旦芬上有單飛翼哀鳴振層雲丹：征途客疑
蹶不忍聞嗟哉彼何物日夜求其群

惲切甫悼亡二首

捐棄不待年幽魂渺仙嶠庭下孤鳴鸞懸鏡恥
自照帳冷疑素塵窻虛耿熠：平生白頭吟空

然發悲調

二

芙蓉望秋零幽蘭歇芳早不作雙頭花翻為斷
腸草厥：懷所思悠々感衰抱曉茲白髮心窮
年以相保

悼亡三首

冬夜一何長展轉難及晨念彼重泉下香：隔
千春中閨月皎：紉素委流塵馳光安可追往

者無後陳悽。向隅泣無乃。友子仁丈夫。向有志。忍哭虞傷神。沉思結中抱恨。不能申。

二

鳴雞報早朝。出戶復晨霜。仰視東方星三五。不成行。念子當此時。燈前理衣裳。恍然失所在。零淚空滂。

三

皎。機中絹拂拭。明如雪。裁爲篋中衣。羅帶紛

綰。親持向我前。與我言結髮。豈足佩下體。聊以奉娛悅。執此百年心。嘆息一朝絕。人故物自皆。欲視不忍發。藏之篋笥中。餘香日以歇。

挽葉進士

矯。松柏枝在彼。丘中阿。上盤青雲端。蒼翠鬱。巖我惜哉。千尺幹。嚴霜堆其柯。木爲大厦用。不竟當如何。

贈李獻吉三首

西方有佳士於世寡所諧橫風整俗翰倏忽起
九達天門限重關屢扣闈者辭濟、列仙子冠
裳競追隨青雲蔽閭闔仰視何迢迢皎日匿西
陸馳光難遽回世無魯陽子坐惜朱顏衰

二

東風吹我衣白日何杲、整駕出郭門脩塗浩
橫潦登山采出蘭日暮不盈抱采之欲何爲遺
我平生好豈無艷陽花言子好香草丈夫有本

性安得不自保寸心苟弗移可以鑒穹昊

二

烈女守閨室憂日懷寸陰橫琴寫妙曲繁商激
陽林悠、行路子誰爲識其音人生處世間貴
在相知心所以采薇士井餓西山岑

卷獻吉二首

鬱、雙鳳闕翱、飛雲間我 皇乘六龍平明
開九關下有敢死士批鱗犯其顏白日運蒼昊

薄暮浮雲還一朝啓光耀忠誠良可宣

二

吾君古堯舜垂衣逢萊宮止羣受群善小火必
有容緬德燕鄒子悲貽訢蒼穹彼蒼亦何神五
月飛霜風至誠變金石何懼不感通

遊魯山城南舍二首

倚彼方外客逍遙城南野初夏苗始盛荷笠事
田圃地僻寡鄰舍彌旬絕車馬紅葵生井上青

榆陰堂下前園後有岑原澤何曠、清風林下
酌狼藉列樽俎翻思在朝市役、徒勞苦

二

溪行日停午暑氣稍見侵脫巾坐芳草前有嘉
樹林白雲澹清景綠葉垂繁陰喜無鳴蟬聒幸
有好鳥吟久厭區中綠撫茲意彌深洽歌答良
友聊用開吾襟

中秋十七夜留康德涵飲二首

飄風會浮雲白懼奄西藏羈人惜短晷眷此秋
夜長、夜無與晤所懷浩蕪忘君子枉光駕憮
婉情水尺披軒待流月展轉錯華觴臨觴慘不
御對景久徬徨鬱霧曖庭陰黯、如降霜流渡
委頽魄茲歲漸以更消長互相謝盛滿安可常
昂哉君子心謙、道彌光

二

客心悲夕陰相顧增煩憂麾杯浩歌起欲去不

可留屏營獨撫膺仰規熠燿流倏焉四宇豁衆
星爛以稠游氣降大谷浮颯扇清秋昊天舒華
魄銜耀西南樓朱門歇笙箏綺陌車馬林嗟爾
晨明月燭、安所求

詠懷十首

北陸無淹畧歲邁陰已長攝衣赴中夜凜、悲
嚴霜明月麗高陽繁宿縱以橫徘徊仰天漢惋
彼參與商形影未能隔萬異徒相如王

二

烈交灼崑岡乃辨金石堅金石有恒性銷鑠詎
能遷薪樗莫傷桂州蕭母及蘭薰猶不同器清
泊本殊源君觀高翔翼早棲非所安

三

英、園中榷朱榮媚朝陽朝陽倏西墮朗月借
其光馳輝難久耀華隕不再揚番番白馬郎皎
皎青樓娼容好豈足恃相要在裏腸

七

飛鴻遵故渚長鳴有餘哀北地多悲風霜雪日
以催靈鳥集君舍君反見疑猜忠信苟不頭殺
身亦何爲始知山梁雉欲下仍徘徊

八

長安有綺樓文憲結朱疏俯視千萬萬遙臨十
二衢樓中彈瑟女容采耀城隅豈無吉士誘失
身良爲愚迴風入總帳倏忽白日徂王顏易銷

樂不久當何如

九

白露晞朝日茗柴委清秋長風吹野草飛蓬不
自謀猥彼衆多子安知良士憂覆水置平地一
散未不收龜錯憂漢室翻爲六國仇禍機苟不
測談笑生戈矛留侯信人傑逝從赤松遊

十

白玉本自白蒼蠅亂其真謔言解膠漆况匪平

四

積新以待燬畜表以御冬爲物貴及時餘者安
足庸金張藉地勢衛霍承華封馮生守空窮巷白
首不見容賤者日此遭責者日以崇邈彼天上
京王宮闈九重高不可測欲往將何從

五

知鳥去西木蠹蟻戀腐塋後隍啓危蒲爲山已心
將成泛觀瀛海內巨細各有情哲夫燭身後昧

者營其生千金買一壺爲豫當及早江湖多風
濤舟楫不可保

六

寂々沅湘流長江上有楓青蕙綠廣隰綠蘼被
洲中揚舫泝烟沙遙瞻二妃宮二妃何婉孌
馨振微風解珮遺下女將以明我衷光采不易
合精誠渺難通浮雲蔽江臯白日忽已晚
遯顧蒼梧原何時翠華返

生親烈士死道傍貪夫登要津自古皆有然茲
恨何當由蓬丘眇煙霧貝宮鬱嶙峋列仙如可
期吾將躡清塵

東臯

謁、東臯村中有幽人宅茅堂入空林草徑無
來客林中桂樹芙蓉采耀月夕寒香有時匱秋
來望攀折

贈邊子四首

自予辭京色念子守南服歲序阻欽覲川塗積
遐曠北鷺方白茲東轅偶相值聯鑣始宋中解
纜及河曲

二

同車越梁晉覽歷多古疆紆遲衛流汭轉眴淇
水陽感來意不淺道故言已長辛勤眷途語愴
惻悲別章

三

戎馬暗中原嗟此遠行子遙：赴城闕戚：望
桑梓路阻難可通河清詎能俟悅仰君父間出
處良在此

四

權聚理無恒悲離情有傷况茲征途間詎能久
相將浮雲興歲暮素雪翳晨光揮手自茲別後
期應毋忘

大復集卷第九

大復集卷第十

五言古詩五十五首

贈望之四首

娟：孤生揚過、河水泐平生骨肉親
婉嬾相諧悅思心起歡燕何況當
乖別浮萍寄清流聚散有歡悵
與子同投葉胡爲思離閣愧
匪根與株莫能相固結德人
重行義志士輕訣絕慎子
萬里軀慰我長飢渴

二

良時不克俱悠々子行邁行邁之何方乃在萬
里外汎舟涉江湘道遠阻滯賴我心思桂林倚
立增歎慨河清豈無期奈此日月逝所願芳未
歇及茲采荃蕙

三

瓜生施於葛枝蔓自纏組念我同胞人是子結
髮友少小鍾慈育各言常相守出門有羽翼忽

四

尔離隔久戚々去兄弟思我父與母種瓜莫種
棘種棘恐傷子恩慈苟不虧離隔復何有

絕裾不爲忍叱馭寧傾危念子泰明君結義良
在茲雖懷壑室戒委質我所知白日豈不察浮
雲蔽於斯孤葵慕太陽傾心量不夥勿謂長棄
捐終當有返期

送王宗哲少鄉

肅之出郊行、涉河甸子身被王命駟馬揮
雲電覽岳停華陰觀都指秦殿思子衛泉流湄
澹一以緬平生共肝膽何之異鄉縣况我離骨
肉子也常眷戀憶我連枝樹感子同洲鴈子行
四方志努力思見面

出城贈韓子

晨車去遙、將子城之隅城隅何所有有荷復
有蒲念當與子別思心立踟躕他人豈無友非
子誰爲娛折荷勿涉水涉水濡子車安得瓊瑾
華採掇爲子需

過呂涇野宅同呂道夫馬君卿

夏訪呂子居乃在北城陰門臨古墻渠上有高
樹林展席流南薰開軒睇北岑况諧同心友聽
比和鳴禽佳人出素帙高詞播名琛亮哉清廟
瑟淒其白頭吟一彈意不足三歎有餘音因之
覽玄古寔多、傷我心

鳴蟬

苑庭中柳蟬鳴在高何上有西飛燕下有東
流河美人堂上坐忘却門前道舉頭見鳴蟬低
頭惜芳草

冬至

北杓指玄朔南景留嚴冬中衢返羲馭淑氣扇
黃鐘微陽懼不刀固陰密且重

端拱象欽恭閉關過行旅執王羅勳庸天乃群

物相日爲衆陽宗眇茲一線畧邈彼九淵龍泰
登自此肇復來豈無從聖人謹元始君子攸

終

贈田子三首

蓬途春行旅綢繆求茲夕之子邈大江方舟自
此適藹皇邑遊鳴鑿並京陌同袍四五人君
爲遠行客婉孌一室內安知形影隔人生重負
固豈必金與石念彼膠漆友喟然感今昔

二
蒼：李冬夕積雪委中衢三星出東戶纖月揚
西隅生人樂行觴衆賓且停車何況平生友夙
昔共歡娛慘惻高堂上為子重歎逝山川緬以
邈歧路在滇臯出門慎自愛慰我恒相於

三

鳳鶩去南國徘徊翔紫庭毛羽紛葳蕤霜雪日
以零一鳴已曠世奮翅排清冥崔魏南山下脩

竹何亭之文采忽遐遠佇立望爾形依：北堂
隅儔侶念伶俜相聚不須臾一散如晨星我欲
從爾去但愧無脩翎

七夕劉子緯宅次君弼韻

良時屆今夕懽覲諧茲方流颺委芳卉清池激
微涼仰觀牛女星熒：河漢傍纖月傷西隅浮
雲起中央合離一以愴明晦古難量執紼子場下
駒慰我長思望

斷絕詞

孔雀慕傳侶回翔恐相失羅雉爲雉雄反覆不成
成匹白沙搏清水誰能作膠漆本非骨肉親心
志安得一牽纏無已時斷絕有終畢

王岡黔國地種竹

王岡一積舍五華東俯首蕉峴城郭曠緬開
林阜球琳美梁域篠蕩早揚旼嶸將軍第滿
灑文儒固霜疑戟門寒日上鈴閣盡褰帷散琴

書緩帶接賓友風林清夏簟雲石靜秋牖參差
萬琅玕照耀雙瓊玖連城價自高傾國貌俱醜
繆倚慚薰葭先凋謝蒲柳上公勲不忘君子名
詎巧蠻夷欽鎮靜風俗化溫厚比德亮無瑕抱
節誠可久珪璋寡珞琢璠璵重典守至寶天所
慳珍產地非偶閭賴神仙宅瑤水蛟龍教安知
王母鵲復爲周王壽獻從萬里餘種已千年後
靈秀萃干茲積累固所有樂只邦家光斯韻播

人口

贈君采姓何遜作四首

霜空鴈絕響風庭葉罷飛念爾別離日淒然芳
歲微城隅明星晡曉榻殘月輝不見携午好霄
行誰與歸

二

予生寡所諧與子中邂逅燕語殊未厭絃柱促
離奏目斷川上雲念攢天邊此河山邈以綿仲

立阻懽靚

三

居人日縛束行子逝飄飄山栖憐霧夕水泛悅
霞朝違俗勢靡合遺名跡自超愧隨衣冠侶振
珮青雲霄

四

歲晏客來歸車馬一何亂新粧下機笑白髮倚
門看未俊春林敷且玩冬花燦閑居有徽音倘

付雲中翰

酬贈王德徵

北方有一士雲冠瑤華簪抗身服高義奮翅翔
天林一鳴遠見斥棄置南海潯飛苗本冀產顧
眄無千金絕景邁流雷豈與泥沙沉邂逅頃三
接一言荷知深投贈古錦篇宛貽哀王音大雅
久寥寂斯文竟誰譔皎皎空谷駒生芻勞我心

江禽行

樹穀江上田三年免飢餓富貴苟非道干馬祇
一啜匹夫不奪志曠士鮮魚過蛾眉石譏妬西
子蒙詬沉鏢金懼衆口懷璧誠賈禍蛇龍蟠泥
沙鯤運海水簸子今還山中食穀且高卧

詠衣

溥之締綌風慘葛履霜無衣嘆幽奏同袍感
泰章物微申有贈德音亮難忘新練託故素溫
煥念寒涼體裁合情志拂拭生輝光雖云異黃

裏願言同聚裳

古怨詩五章

隕葉辭舊彼飄塵就歧路遲徊史絕音言念平生故泥、行間泥零、蔓草露豈不畏沾汚爲子無晨暮

二

抗義一何明結志誓言不解對面有背棄何言萬里外陟疆朝采封陟晚暮采菲所重存德音容

色安足恃

二

白玉雖光輝瑕疪在其內徒看色笑親詎識肝膽異勢奪因愛移交離讒毀至棄捐豈我傷障薄班情義

四

寸心抱真固投一安有它詎知所同權散聚倏朝霞昔爲山上石今爲浪中沙孰云無轉移漂

蕩令心嗟

五

清晨臨御溝御溝東西流
垂楊夾廣路躑躅行
紫駟揮鞭不顧返斗酒誰能留
既焉中道情覆水倘可收

情詩

出門景將夕入門露已瀼
徘徊雙戶間燦爛三星上
玉顏豔明魄一別阻弦望
詎能輕訣絕徒

令重惆悵

詠表

羔裘故人物持贈何殷勤
儉表素絲質光迴錦
綺文豹袪求彌美狐白安足去
意比紵袍戀恩
同曠絮温

飲酒

平生多意氣四海盛交遊
列筵亘長夜談辯雜
名流杯酒一言合遽將肝膽
投入門顧兒女忸

怵但懷羞齒年遠今茲世故多所田興言念親
戚骨肉嬰我憂寒宵寡權惊濁酷聊自謀明燈
耀室內盤蔬代庖羞豈必明與賓妻子前勸酬
語笑率真性無嫌亦何尤人生貴止足無志早
公侯數觴已復醉頽然萬情休寄言馳駑子從
今仕去留

送劉御史按淮揚諸郡

臺臣今按地 聖祖舊開疆白雲萬里來千載

張生神駿骨一蹶在衢路雖有萬里才未蒙千
金顧腰佩白玉環手擲金聲賦堂、烈士身勿
爲名所誤

冬夜

膏火含朱光玉鐔泛清醴聞房密以靜雪流窓
戶裏良友不我適室阻悵爭適異人非我儔聊
酌娛妻子

十二月朔日 大駕觀牲

玄雲翳廣陌素霰零層城萬乘屯蘭甸六轡儼
天行輕颺轉芝蓋重霄揚翠旌、劍珮合鏘
鏘龍鳳鳴犧人脫衡犒膳宰翼房搃牛羊上廩
貯鹿豕大庖盈馨香流拒塗肥膾奏惟、宮闕
回帝覽鈺鼓感皇情至敬聲茲達大禮須
時成

簡君采

夕會星已羅書接景將落見面不須更何以展

劫大關側目金玉章音響時間作假寐睡清顏傾
光豈虛記杜驂悵雲轡命席耻塵爵徘徊翳雲
日佇立眺城郭駢居淹晨暮庶俾私心豁

送崔氏四首

行車在門端送賓集城隅輶贈難久停振策中
路衢盤、大行谷往念高堂居還顧望西山層
阜蔽皇都回颺赴迅響飄雲奔長袒昔予背
鄉域睠言返田廬驅車赴燕薊茲歲淹七踰何

因附羽翼翹首南翔鳧

二

疇昔衣冠七同遊若雲爛燿讌未及終存亡在
轉盼亡者長沉埋存者客飄散俯仰天地間念
之一惋嘆出門送我友言返故鄉縣登高望古
疆河衛浩以漫山川白日冥匹鳥鳴相亂愴惻
懷征途令我腸中斷

三

結髮與君友附驥思一鳴君子揚休景邁世垂
榮名伊子守正寔學子宦寡所成握瑜俟知己知
已誰為明良時辰嫵婉之子復遠行衡飈起闔
閭浮雲翳羽大清曾城羅宮殿曜馬振綏纓長笑
歌五噫投策出漢京慨念古人士去之一何輕
貧賤豈不安富貴非我營終焉從子逝無為世
所嬰

四

飄、山上葛纒、田中瓠苟非同振蒂纏綿安
得固人情易友復結交有新故差哉夙昔好每
棄在中路明珠倘有因梅斂不我顧深言匪田
裏白首爲所誤亮君勗恒德永副平生慕

寄贈王子衡四章

昔錢邁伊始今懷緬猶故城想屢淹薄舟遊一
洄溯弭節指顏景推車道東路倉皇抗手別貌
絕賞心晤

二

賞心曠景光川汜渺徂征竄身窮海上卧痾天
邊城傾歎島岸坼蹙沓波樓驚飄音承來訊願
叙接泊情

三

樓泊倦淮堧量移遂山郭沉迷謝簿領塞閑盡
巖峩雲翔葉縣鳧風唳革亭鶴杲諧宣城興復
枉謫海作

館海疊靈巘洞壑丹霞林名勝紀圖牒仙聖秘
迹深俗營迂微尚曠懷俟同心倘追凌風步滅
響升雲岑

集吳子寺館

首夏想祇園遊息解冠簪窓檻抗疏敞敷宇闕
深沉綠竹帶陰渠丹葩綴陽林旣枉高人躅亦
協靜者心琴書散煩慮鐘磬發幽音清言忘朝

景玄思超古今

夏夜辭子宅

飄風激踈牖飛雨散高庭白雲蔭華月清天垂
列星蹇裳望西苑園樹發青燧陰館辟炎埃峻
檻臨巖岸冷朱夏并肅玄夜扃投露聆霏
談逍遙暢神形遊心娛竹素此樂誠可經

贈

蕭散縑琴書疲疾謝回甌清雲汎蘭暑白水激

文瀾於心懷我友翩、振詞翰此室諧言晤撫
景悅流翫孔公讚龍蟻莊朱明吹萬理感由神
詣暗當非虛嘆鄙哉韓雌寬安如覩河漢願投
忘形契去適無窮片

高橋以下
茶集

飛梁何鳥衣、、、飛澗中窈窕入青霽蜿蜒垂
白虹俯壑聆迅湍攀崖挹迴風闌干旣重複結
構亦玲瓏穿石鑿坤良架閣憑虛空羽填鳥鵲

岸力坼瓦龜宮設險固天造扶神豈人工聖代
文軌一絕域賓王同擢抗無外至筮篲倏然通
懷哉絕技智逝矣當關椎欽誠墓在德其亡守
無窮

姜子嶺至三岔山

出嶺上雲霓入谿卜烟嵐高、不可極沓、詎
能探未崖秀夏水石壁映寒潭千林覽葱蒨百
文窺澄泓崩奔谷響赴隱曜川光含登陟刀不

辭險阻情已諳
潛淵羨垂綸
越巖思停驂
振策岷峨西揚帆
江漢南臨深
匪忘懼履坦
但懷慙

青石崖棧

側行青石棧
誰能久
汪洋斷板連
曳雲噴泉灑
飛雨迅流西
回激峻坂東
折屨墮岸互
傾歎危梁
曷撐柱
飲猿駭游鱗
立馬接翔羽
慎爾千金軀
永念壘堂語

寄梓夫四首

伊昔京室娛
安知歧路感
君就河內棲
予從關西
綬同源
異流止
撫事乖心跡
終爾返輪鞅
音塵慰岑寂

二

肥遯世久欽
苦節晚逾峻
懸蘿邈莫攀
翠壁迴千仞
冥心道與超
晦迹名反近
將遂諧龍蠖
混然保負順

三

昔聞孫登嘯千載識其音岩崑百門上髣髴三
湖陰鴻舉已與廓鸞響猶空林曠哉既往古契
此微千今

四

阮公雖曠達千道未真見石髓不可餐赤文詎
能辨服理昧情性眩物矜神誕儻君示中行遙
垂大人撰

大復集卷第十

